



Umphumela we Covid-19

IsiNdebele



Notozi Mgobozi

Umpfumela we Covid-19

Itlolwe ngu Notozi Mgobozi
Umtjengisi Heidel Dedekind



Umtjhugululi ngu Mncedi Ntuli

UZuko umsana oneminyaka ebu-8 ofunda esikolweni samabanga aphas iMgibe eseTjhaluza.

Uveza amaziso wakhe ngeCovid-19 kunina begodu nebanganini bakhe.



Kusekuthomeni kwethemu yesithathu, uZuko
unevalo lokubuyela esikolweni ngemuva
kokuvala isikhathi eside ngombana uyazi
bonyana kunabafundi abathathu abahlaselwa
yiphandemiki le.

Wabawa imvumo kunina yokobana angayi
esikolweni ngoMvulo ngombana usikwa
mathumbu begodu akafuni nokuhlongakala
kodwana, unina akazange amvumele.

Walinga woke amano anawo, kodwana unina
akazange awalalele.

Wasikima asilingekile, wahlamba, wembatha
begodu wathatha nesikhwama sakhe
seencwadi wasirhorha, wakhamba waya
esikolweni afake nesifonyo ebusweni bakhe.

Lokha nekafika esikolweni wabona ikambiso
begodu nokwenziwa kwezinto kutjhugulukile.
Wangena emjejeni ongaphandle kwamasango
wesikolo amangele.



Wafunisisa kabanye abafundi ngalokhu akubonako begodu nangamatjhuguluko.

Bamtjela bonyana kuzokuqalwa izinga lokutjhisa begodu babuzwe nemibuzo ngobujamo babo bepilo.

Lokha nekufika ithuba lakhe, utitjhere wamthatha izinga lokutjhisa, wabawiwa bonyana avule izandla zakhe wabese uthelwa ngesanithayiza.

Wabese utjengiswa itlasi lakhe. Nakhona lapho, wahlangabezana nenye into erarako lapha abalingani bakhe bebahlezi baqalangene boke bafake iimfonzo ebusweni.

Utithere wahlathulula kobana izinto zizokwenziwa bunjani ukusukela ngalesi isikhathi begodu namatjhuguluko azokulandelwa nangesikhathi sokudla.

Ngemuva kokuphuma kwesikolo, wabuyela ekhaya angakathabi nakancani asabela ubuphilo bakhe, nanyana bekunokunengi khulu abegade akuhlelile ngepilo yakhe.

Lokha nakafika ekhaya, watjela unina iqiniso ngobukirikitjani abekabuhlelile ekuseni. Nanyana kunjalo, bekakatelelekile ukuya esikolweni ngamalanga ngaphandle kokuba neenzathu ezithileko.

Wahlangabezana neny e ikulumo ethusako ngetlasini kobana isikolo sizokuvalwa ngombana kunomfundi otshwayelekileko begodu nangokuhlongakala kwabanye babotitjhere. Isiqu nto sathathwa ngonobangela wokusindisa abafundi ekutshwayelekeni. Iinkolo zavalwa isikhatjhana esifitjhani ukwenzelela ukufumigeytha begodu nokuhlwendisa ngeenhlwengisi ezinamandla ezibulala igciwane.



Isimemezelo lesi saphakamisa ukwethukwa kabanye abafundi begodu nabotitjhere. Esinye godu isimemezelo salandela bonyana boke abotitjhere abaneminyaka ematjhumu asithandathu nangaphezulu bafanele basebenzele emakhaya ngombana bazokuba sengozini yokutheleleka okubeka amaphilo wabo engozini.

Abantu bahlongakala, abantu bebathukiwe, labo abagade bathelelekila bahlaliswa babodwa amalanga alitjhumu nane. Kwaba nokurhatjheka kweendaba ngobulwelwe kiwo woke amaphephandaba, emirhatjhweni begodu neenkundleni zokuthintana kunikelwa iimbalo zokuhlongakala kwabantu, ukutshwayeleka begodu nalabo abalulamileko. UZuko wathukwa khulu begodu bekangasafuni nokuya ngaphandle, begade acabanga yena asulelekile.

UPhresidenti wenarha wenza iimemezelo ezinengi ngobujamo benarha, lokhu kwenza abantu abanengi basabela amaphilo wabo.



Ngelinye ilanga uZuko wabuya esikolweni, watjela unina kobana sele bazokuya esikolweni ngokudlhegana kwamalanga enye nenye igreyidi begodu namatlasu lokhu kwenzelwa ukuqalanganana okufaneleko begodu nokubalekela ukuthelelana ngengogwana.

“Maye mina mma! Angiboni bonyana ngizokuphumelela emnyakeni lo, Bengizithembise bonyana ngizokuba mfundi weGreyidi yesi-4 ngomnyaka ozako.

Ngifisa kwangathi iphandemiki le kungaba yinto yesikhathi esadlulako.”

Unina wahlala naye phasi alinga ukumbonisa bonyana yoke into esephasini lapha inesikhathi sayo, sifanele silinde bekube kulapho yoke into seyibuyela ebujameni bayo kobana sazi bonyana ngiziphi iinqunto ezizokwenziwa ngeenkolo nekuragelwa phambili.

UZuko waphelelwa lithemba asesemncani. Iinkolo ziyavulwa zibuye zivalwe ngezizathu ezihlukahlukeneko. Kesinye isikhathi abafundi bahlala emakhaya inyanga yoke nofana zimbili begodu boke abakuthabeli lokho.





Omunye wababelethi wathi, “sifanele sibukhulekele ubujamo obunje ngombana izinto ziragela phambili nokuba zimbi.”

Utijhere wabakhuthaza begodu wathi, “Lokhu koke kuzokudlula; asihlalani njalo sithembekile. Abafundi bafake umfutho emsebenzini yabo. esikolweni begodu nanyana basemakhaya. Silindele ukuphela komnyaka lo sizokwazi ukubona kobana kuzokwenzeka ini ngomnyaka olandelako.”

“Lo mlando ongeze wakhohlakala kiwo woke umuntu. Sizokwabelana ngelemuko le Covid-19 nabanye abafundi eminyakeni elandelako kobana yajamisa bunjani iinkolo begodu iphasi loke laba ngaphasi kwegandeleleko.”

“Kunento eyodwa nje kwaphela engibangela ukwesaba, ukutjhiswa kweenkolo, Anginaso isiqinisekiso sokobana iinkolo zethu zizabuphumelela ubujamo lobu,” kwatjho uZuko.

“Okukhulu khulu, abotitjhere bethu basibuza ngokuzikhethela kwepilo yethu lokha nasele sikhulileko. Ngimtjelile bonyana mina ngifuna ukuba ngudorhodere weenlwana, ngombana ngiyazithanda iinlwana. Abanye abafundi abafuni ukubuyela esikolweni, ngiyamangala bonyana bazowaphumelelisa bunjani amabhudango wabo njengombana bangafuni ukufunda nje.”



Ekugcineni iinkolo zigcine zivuliwe ngemuva kwesikhathi eside zivaliwe, ababelethi babawiwa kobana beze emhlanganweni ukuzokucocisana ngendlela eya phambili.

Uphrinsipala wabelana nabo ngokuthi boke abotitjhere nabafundi ebagade batshwayelekile sele balulamile ukwenzela bonyana ababelethi bangatshwenyeki ngokuphepha kwabentwana babo ikakhulukazi nange bangalandela imithetho yokuphepha.

Nabotitjhere nabo bafanele balandele imithetho
nebangestafrumini ukuvimbela ukutshwayelana.
Ukulalela ngalokho ababelana ngakho lokha
nebangematlasini wabo, ukuphazamisa
kwabafundi ngesikhathi sokufundisa.
Baya balabala ngomunye nomunye.




Ngesikhathi begade afundisa ngaso isifundo sakhe. UMcebisi uyarhuwelela, “uMbuyiseni uyakhohlela ngaphandle kokubeka isandla sakhe phezulu komlomo wakhe.”

Ngaphambi kobana ngiphendule, uNomonde warhuwelela, “Titjhere, uSonwabile akakafaki isifonyo sakhe begodu uyathimula njalo njalo.” Ngafanelwa kulisa ukufundisa ngalungisa ubujamo.

Ukukhathalela kwakaZuko ngesikolo kuyanda, akakwazi ukulala ngonobangela wokuba namabhudango ngengogwana le. Nonina naye unetjjsakalo ngokubona indodana yakhe itlhaga begodu isesaba.

Uphrinsipala ilinga ngawo woke amandla ukwehlisa ukutshwenyeka okuhlangana kwabotitjhere begodu nabafundi.

UZuko wabawa unina kobana amsize ngokutlola ikondlo ebeyisoloko isemkhumbulweni wakhe. Bathatha amalanga batlola ikondlo le bekwafika lapho bayiqeda khona. Wathatha ikondlo yakhe waya nayo esikolweni begodu wabawa utitjhere wakhe kobana ayifundele itlasi loke.



Ngiyesaba!

Ngiyesaba
Nomma uyesaba
Notitjhere naye
Awesabi wena?

Sizwe ngetjolongwana engumabhuhisa
le emirhatjhweni
Sayibona kumabonwakude
Safunda ngayo emaphephandabeni
Siyezwa nabantu bakhuluma
ngayo nemiphakathini



Lesi! sisifo esingumabhuhisa begodu ngiyesaba






Ngiyesaba nokuvakatjhela abangani bami

Ngiyesaba nokudlala nabangani bami

Ngethuswa kukuya esikolweni

Ngethuswa nakukuya edorobheni

Ngithukiwe



Ngiyesaba ukulwela amalungelo wami

Ngethuswa kukwabelana ngemibono yami

Angisakwazi nokubukela zemidlalo engizithandako

Koke okudaliweko kuhlala kuthukiwe

Yingakho nginalokhu ukwethuka





Itjolongwane le yebe ukuthaba kwami
Itjolongwane le ithethe ipilo yabangani bami
Ithethe amaphilo wababelethi newabentwana
Ngisabela ubuphilo bami

Ngihlamba izandla zami njalo
ngesibha nangamanzi
Ngithatha yoke imithetho ebekiweko
Ngihlala njalo ngifake isifonyo sami
Nanyana kunjalo ngisayesaba iCovid-19
Khamba Covid-19, khamba! Ngifuna ikululeko yami





Ngifuna ipilo yami ibuye
Ngikhulekela ikululeko yabentwana
Ngeenkhathi ezithusako lezi
nokuswela ukwethemba
Ngithemba uZimu ngokuphepha kwami
Ngiyesaba! Ngiyesaba! Ngiyesaba!

Siyathemba bonyana lizokuba khona ikhambi
Abodorhodere bazolithola ikhambi
Itjolongwana le izokukhamba
Sizokubuyela sithabe godu.



AMAGAMA WOKUTHOKOZA

Itlolwe ngu

Notozi Mgobozi

Umtjengisi

Heidel Dedekind

Umhleli 1

Ntombikayise Njadayi

Umhleli 2

Nelisa Mviko

Umhleli 3

Nopasika Xapa

Umtlami

PixelPing Design

Umtjhugululi

Mncedi Ntuli

Umqinisekisi

Johannah Phephelaphi Mnguni



ISBN 978-0-638-00805-0



basic education

Department:
Basic Education
REPUBLIC OF SOUTH AFRICA

